

Kadasi n bo bu kere fa maari HIBURUFOM ni

Nyeme noanie n bo i jojo fiteeri i Wa n do ni

¹ Dawa sanga Nyeme yo faari i noanie maari i noanie kanfom wo, sanga barasu ni atin barasu barasum, na bu sukan i kere ya nam. ² Ama, ahin awieeri su sanga n bo ya wo nu ni, Nyeme afa i Wa n su ye i fa i noanie n jojo ya so a. Nyeme maari yiri yiiri durunya n a. Na wo se ka, awieeri su, deke n kere ba yo i dee wo.

³ I jirima woowa wein ni kere kabo Nyeme ti a. Kabo Nyeme ti ni, i woowa ti so o. I noanie n bo i la yiko ni, i fa nyini bita durunya n kere a. I faari i nu fa yoori yoowa, adena Nyeme fa adamande satie ce i. Nyini dee sin, na wo nya ako atana angoro, Micera Kpiri n saa fomboro su. ⁴ Nyeme maari i jinaabiri bambaka bo i tara i merkem dee, na wo kaaki ama i duma bo i tara bu dee ni.

Kabo Nyeme Wa n tara i merkem barasu ni

⁵ Dama kabo Nyeme seeri i Wa n ni, ka,
“Woro ti m Wa a,
nyuma, m kaaki u Si,”
wo se ma i merke n be so. Bekun, i na
“M yo u Si,
na u gusu yo m Wa.”

⁶ Sasu bekun, sanga bo Nyeme yo na i sunma i Wa kun n kpein n durunya n nu ni, na wo se ka,
“Ma Nyeme merkem kere su i.”

7 Fa kɔ kabo Nyeme jɔjɔri i merɛkem jɔre ni,
i ŋa,

“Mini, m ma m merɛkem yo bu juma
kabo aŋuma, ni sin yo bu juma barasu
n wɔ.”

8 Ama, kabo Nyeme jɔjɔri i Wa n do ni, i ŋa,
“Wɔrɔ ti Nyeme a, u femeya bie n la má awieeri.
A bita u femeya n ni nahɔre atin su wɔ.

9 A koro sa bo i kɔ atin su wɔ,
na a koro má sa bo i kɔ má atin su a.
Nyini dɛɛ ti ye Nyeme ayi u a,
ye wɔ ma u ahoreda bo i tara u bengum kere
n a.”

10 Na Nyeme akaaki ase i Wa n ka,
“Ya Mibie, bumboori ni, wɔrɔ yiiri asiɛngu a.
U sa bo a yoori i dɛɛ ti, ye aŋgoro wo bere a.

11 I kere bá ka ŋgbɛɛn wɔ,
ama, wɔrɔ wo bere wɔ saŋga kere.
Aŋgoro n ni asiɛngu kere yó dawa
kabo sutura yo dawa barasu n wɔ.

12 A pɔɔndi bu ka sanvuin bo wɔ do wɔ,
na a bá kaaki i fɔfɔre.
Ama, wɔrɔ kaaki má fieo,
na u afo la má awieeri.”

13 Na Nyeme akaaki ase i Wa n ka,
“Ba tana m saa fombɔrɔ su fɛn,
haari m bá ma a kunma u kpɔfɔm na a nana
bu kere ŋu.”

Kabo i seeri so ni, wɔ nya ase má i merɛke n be
so.

14 Ye i merɛkem ti nzum wɔ? Bu ti awiewiem
bo bu su Nyeme wɔ, na i sunma bu na bu kɔ buka
minem bo bu bá nya tiide ni.

2

Tiide bambaka n jɔɛ

¹ Nyini dɛɛ ti, wɔ yo daka ka ya bita Nyɛmɛ nɔaniɛ n bo ya du mɔ ati i nyunyumi, adena má ya mini. ² Ya si ka nɔaniɛ n bo Nyɛmɛ yo fa maari i mɛrɛkɛm, na bu kan kereeri ya nam ni, i ti nahɔɛ wɔ, na minɛm bo bu tiiri i na bu keteeri, na ba de má i ni, bɛɛ nyaari suicin n a. ³ Nzen yɛɛ gusu keteeri nyini nɔaniɛ kpiri n bo i kere kabo Nyɛmɛ de ya tii ji ni, ya yo sɛ koro fite nu na ya nya má suicin a? Ahin tiide n bo ya kan i jɔɛ ni, Mibiɛ n ni i tii du mɔ kan kereeri minɛm a, na bo bu tiiri i n adi i daani, ase ya ka i ti nahɔɛ wɔ. ⁴ Nyini sanga n na Nyɛmɛ mmɔɔ adi i daani abuka su, yiri la bo i yoori alekutura sa barasu barasum kereeri i yiko, na i maari minɛm nyaari i Awiewiɛ Casi n aceerim kabo i koro barasu ni.

Yesu ti adamandem gɔɔ ɔ

⁵ Nahɔɛ, Nyɛmɛ afa má durunya fɔfɔɛ n bo ya kan i jɔɛ, na i suba ni, awura má i mɛrɛkɛm saa nu. ⁶ Ama, be akere i Nyɛmɛ Jɔɛ Kadasi n awɔɛ be nu, ka,
 “Ya Micera Nyɛmɛ, adamande gusu ti nzu wɔ,
 ye u cɛɛ wo i nu a?
 Adamande wa ti nzu wɔ,
 ye a niɛ i dika?
⁷ Kabo a yoori i ni, a ma i jinaabiri kpɛɛri su sanga kaan afien ni u mɛrɛkɛm dɛɛ,
 na a nya awura i kpiri na a ma i jirima bambaka,
⁸ na a fa deke kɛɛ awura i saa nu.”

Ba kere i Nyeme Jore Kadasi n nu kabo Nyeme afa deke n kere awura adamande saa nu ka i nie i dika ni, nyini kere ka deke be wo ma bere bo i ti ma i dee. Ama, kisa, kabo i ti ni, ya nya nu ma i so. ⁹ Ama, ya nu Yesu kabo Nyeme yoori i ni, i ma i jinaabiri kpieri su sangha kaan afien ni i merkem dee wo. Na i dee ahorma n nu na wo wu sono kere dee ti. Kisa, wahara n bo i diiri i na i wu n dee ti, Nyeme awura i kpiri, na wo ma i jirima bambaka.

¹⁰ Nyeme yiiri deke n kere a, yiri la deke n kere yiko a. I tiiri ye ni ka Nyeme kpini atin bo i mine beberebe ba nya i jirima woowa n be. Nyini dee ti, ye i ma Yesu ba diiri wahara n a, adena i yo minem mofa bo i ti kabo Nyeme koro ka i ti ni, dama yiri ma bu nya tiide a. ¹¹ Yiri Yesu bo i yo minem casi ni, i ni minem kere bo wo yo bu casi n sangha Si wo. Nyini dee ti, i la ma i nyinse na i fere bu ka i ninbaam n a. ¹² Na wo se Nyeme ka, “M bo u дума kere m ninbaam. Na sangha kere bo bu tienri bu no, m di jue kansi u дума.”

¹³ Na wo kaaki ase ka,
 “Mini, m daafi Nyeme nu,”
 Na wo kaaki ase bekun ka,
 “Mini ni nbaam bo Nyeme afa ama m ni, yere yaa.”

¹⁴ Kabo nbaam n ti adamande ni, nyini dee ti ye yiri mmoo kaakiiri adamande a, adena i wu na i yo sono bo i la yiwee yiko ni ngbeen, yiri la Sitana a, ¹⁵ na i de minem tii ji, bere kere bo bu ngoo su na bu soro yiwee n dee ti, na ba kaaki akoom ni. ¹⁶ I ti nahore wo ka, ma

merəkem ye i buka deeri bu tii a, ama, Abraham busu nufom ye i buka deeri bu tii a. ¹⁷ Nyini kere ka, wɔ yo daka ka i woowa ti ka i ninbaam i deke n kere nu wɔ, adena i yo Nyeme sayoowa dɔnguyofom kpien bo i la dabuɲu na i si aɲunfo fa kɔ i nyemesu n nu, na i fa i ɲu yo yoowa ma minem na Nyeme fa bu satie ce bu. ¹⁸ Yiri ni i tii yo diiri wahara, na ba sɔ i ɲgeɛ na bu nie ni. Nyini dɛɛ ti, ye i koro buka minem bo bu sɔ bu ɲgeɛ na bu nie n a.

3

Kabo Yesu tara Moyisi barasu ni

¹ M ninbaam, amberɛ bo Nyeme ayi am ni yere ka matafo casim ni, am fa am sunsunni se Yesu ɲu, yiri bo Nyeme asunma i na i ti ya sayoowa dɔnguyofom kpien n ni. Ya su yiri su a, ye ya di i daani kere minem a. ² I yoori i juma n bo Nyeme yiiri i ka i yo i n ni nahɔre su wɔ, kabo Moyisi mmɔɔ yo yoori i juma kere Nyeme awuru n nu, bukaari Nyeme minem ni nahɔre su n wɔ. ³ Kabo sonɔ bo i ta awuru n la jirima tara awuru n ni i tii ni, sɔ ye Yesu la jirima tara Moyisi a. ⁴ Awuru kere la i tafɔ, ama, Nyeme ti deke n kere tii a. ⁵ Moyisi yo laari dabuɲu yoori i juma kere Nyeme awuru n nu, bukaari Nyeme minem n ka amusui-sufɔ ɔ, na wɔ kere bu deke bo Nyeme koroori ka i bá se bu ni. ⁶ Ama, Kristo yiri ti Nyeme Wa a, yiri la dabuɲu Nyeme awuru n nu koro bita Nyeme minem a. Nzen ya bita ya tama n ni ahoresi, yere ti i awuru n nufom a.

Nyeme minem ɲumiyi n dɛɛ jɔre

- ⁷ Nyini dɛɛ ti, kabo Awiewie Casi n se ni,
 “Nyuma, nzen am tiiri kabo Nyeme suse,
⁸ má am ma am sui yo tantanantan,
 kabo am nam yo yoori bu sui tantanantan
 na bu yoori Nyeme na bu nie ni,
 sanɔa bo bu wo boro kpantain n nu na bu
 keteeri i noanie ni.
⁹ Na Nyeme ase ka,
 ‘Do ye am nam yo yoori m na bu nie a,
 haari ni bo bu nuuri sam bo m yoori bu,
 nyini afo aburana n kere nu ni,
 bu yoori m wo na ba nie.
¹⁰ Nyini dɛɛ ti ye m faari yaa bu nu a,
 ye m seeri ka, ba mini atin n a,
 dama ba yo má m sa koroowam ni.
¹¹ Na yaa ati m, na ma tan ndie ka,
 bu ny má atin wura má asien n bo má m ma
 bu nya numiyi n nu ni.’ ”
¹² M ninbaam, am si am nu sa na má am
 be ahorembaa yo kekereke, na i kaaki i sin bo
 Nyeme, yiri bo i wo bere sanɔa kere n dɛɛ atin ni.
¹³ Cɛɛn kere bo ale acin na bu fere i ka, “Nyuma,”
 am sutu am benggu fo, na má am ma be dadaka
 am na am yo satie na am sui yo tantanantan.
¹⁴ Nzen ya koro bitaari bumboori su noanie n
 kenken haari ko juuri i awieeri, nyini n kere ka
 ya ni Kristo sanɔa yo juma kun wo lɛɛ. ¹⁵ Kabo
 ba kere i Nyeme Jore Kadasi n nu ni, ka,
 “Nyuma, nzen am tiiri kabo Nyeme suse,
 má am yo am sui tantanantan,
 kabo am nam yo yoori bu sui tantanantan.”
¹⁶ Nmam yo tiiri Nyeme noanie n ye bu yoori
 bu sui tantanantan n a? Má minem kere bo

Moyisi yo yiiri bu fiteeri Ijipiti asien n su ni, nzen se? ¹⁷ Ye ηmam ye Nyeme yo faari yaa bu ηu afo aburana n a? Má bo bu yo yoori satie na bu wuuri boro kpantain n nu ni? ¹⁸ ηmam ye Nyeme yo taanri ndie ka, “Bu nya má atin wura má asien n bo má m ma bu nya ηumiya n nu n a?” Má bere n bo bu yo keteeri i nɔanie ni, nzen se? ¹⁹ Deke bo i ti na ya ηu ka ba wura má asien n su na bu nya ηumiya n la ka, ba yo má i yarada.

4

¹ Nyini ti, am ma ya si ya ηu sa, na má be fun nyini ηumiya n bo Nyeme ase ka i fá ma ya na atin toko wo bere ka ya nya i ni. ² Dama yere mmoo ati labari kpa n kabo bere mmoo yo tiiri i ni, ama, bere ayo má i yarada, nyini dee ti, ye wo kun má kpere ama má bu n a.

³ Ama, yere bo ya yo Yesu yarada ni, ya nya nyini ηumiya n bo Nyeme seeri ka i fá ma i minem ni. I ti kabo Nyeme seeri n wo, i ηa, “Na yaa ati m, na ma tan ndie ka,

bu nyá má atin wura má asien n bo má m ma bu nya ηumiya n nu ni.”

Fite sanɔa bo Nyeme yiiri durunya n kere wieeri ni, i juma awieeri lee. ⁴ Dama ba kere lesa seen n jore, Nyeme Jore Kadasi n awore be nu, ka, “Nyeme yo yiiri i ηumi, i jumayoowa kere nu wo lesa seen ni.” ⁵ Ya kaaki anu ka wo joro nyini jore n so ka, bu nya má atin wura má asien n bo m ma bu nya ηumiya n nu. ⁶ Bo bu du mo tiiri labari kpa n ni, ba wura má nyini ηumiya n nu, dama ba yo má Nyeme yarada. Ama, atin toko wo bere

bo nbem nya nyini n̄umiyi ni. ⁷ Nyini d̄e ti, na Nyeme ma w̄o ce ka, na w̄o kpama c̄en f̄of̄ore be, na w̄o fere i ka nyuma, na w̄o ma Feme Davidi ajojo nyini c̄en n̄ j̄ore, kabo ba kere i Nyeme J̄ore Kadasi n nu ka,

“Nyuma, nzen am tiiri kabo Nyeme suse, má am ma am sui yo tantanantan.”

⁸ Nzen má Yosuwa koro maari Yisarelifom nyaari atin wuraari asien n bo Nyeme ma bu nya n̄umiyi n nu, má Nyeme ayo akaaki ase má ka c̄en n be wo bere bo i ma i minem nya n̄umiyi kun. ⁹ Ama, kabo i ti ni, n̄umiyi c̄en wo bere bo Nyeme bá fa ma i minem. ¹⁰ Dama s̄on̄o kere bo i nya n̄umiyi Nyeme d̄o, i mi yi i n̄umi fa k̄o i juma su, kabo Nyeme yo yoori i juma wieeri na i yiiri i n̄umi n w̄o. ¹¹ Nyini d̄e ti, am ma ya boro ya nyi, na ya nya n̄umiyi n bo Nyeme bá fa ma ya ni. Ama, má am ma ya be kete Nyeme n̄oanīe ni, adena má ya fun n̄umiyi ni, kabo Yisarelifom nbem yo keteeri na bu fuunri i ni.

¹² Nyeme n̄oanīe n la nḡo na i la fanga. I kaaki wo na tara takobe, i kpīe wura s̄on̄o ahorembaa su w̄o, ni i n̄umi, ni i awīe wīe nu, na i kpīe kpaaki buwe sasuubiri, na i k̄o kpura b̄or̄ok̄o nu, na i fiiti s̄on̄o sunsunni nu, na i si deke bo i ahorembaa koro, deke bo i ti kpa, ni bo i ti má kpa. ¹³ Deke be wo má bere bo i koro fie Nyeme, dama deke be wo má bere bo Nyeme ayi i na i nyumbaa n̄u má i. Yiri ye ya kere bá kan ya sayoowa kere i a.

Yesu ti Nyeme sayoowa d̄o nguyofom kere kpīen n a

¹⁴ Kisa, na ya la Nyeme sayoowa dɔnguyofɔ kpien bo i la má anjusu, na wɔ kɔ angoro, na wɔ wura Nyeme dika n nu ni, yiri la Nyeme Wa Yesu, nyini dɛɛ ti, ye am ma ya bita i dɛɛ atin n bo ya ɲa ya yo i yarada n kenken. ¹⁵ Ya dɛɛ Nyeme sayoowa dɔnguyofɔ kpien n ti má be bo i koro si má ya anjufɔ ɔ. I koro si ya anjufɔ fa kɔ sanga bo ya fanga akpie su, ni i dɛɛ atin su, dama ɲgɛɛ barasu barasu kere bo bu fa sɔ ya ni, bu yo fa sɔɔri yiri mmɔɔ sɔ ɔ, ama, haari ni nyini n kere ni, wɔ yo má satie be. ¹⁶ Nyini dɛɛ ti, am ma ya fa ahoresi, na ya cin dodo Nyeme femeya tanaabiri ni, yiri ti ahɔɔmafɔ a, adena i si ya anjufɔ, na sanga kere bo ya ba koro buka, na i buka ya.

5

¹ Nyeme sayoowa dɔnguyofɔ kpien kere, bo Nyeme yo yiiri i minem n nu ka i yo juma ni, i dɛɛ la ka, i jina minem dɛɛ jinaabiri Nyeme dɔ, na i de bu aceerim ni yoowam na i fa ma Nyeme fa kɔ minem satie bo ba yo i n dɛɛ ti. ² Yiri mmɔɔ ni i tii koro si minem anjufɔ bo ba si má na ba mini atin ayo satie ni, dama yiri mmɔɔ fanga akpie su Nyeme dɔ. ³ Nyini dɛɛ ti, wɔ yo daka ka i du mɔ yo yoowa ma i ɲu fa kɔ i ɲgasi bo wɔ do i ka, ye i nya koro yo yoowa ma minem kere ɲgasi n a. ⁴ Be koro wura má i ɲu kpiri na i se ka i ti Nyeme sayoowa dɔnguyofɔm kpien, má ka Nyeme ni i tii ayi i mi, kabo i yo yiiri Aaron ni.

⁵ Nyini dɛɛ ti, Kristo gusu awura má i ɲu kpiri ayo má i ɲu Nyeme sayoowa dɔnguyofɔ kpien, se Nyeme yiiri i a, na wɔ se i ka,

“Woro ti m Wa a,
nyuma, m kaaki u Si.”

⁶ Ba kaaki akere i Nyeme Jore Kadasi n awore be nu ka, Nyeme na,

“Woro ti Nyeme sayoowa donguyofa,
kabo Melekisideki busu nu ti n a,
a wo bere so o sanja kere, be de ma u.”

⁷ Sanja bo Yesu wo durunya n nu fen ni, i yo sereeri Nyeme ni anyumboro su, na wo bo afere Nyeme na wo sun, ka, i de i fite yiwee n nu. I yo yoori i nu kaan, na i soro Nyeme n de ti, na Nyeme ade i sere.

⁸ Haari ni bo i ti Nyeme Wa ni, Nyeme maari i diiri wahara, adena i si kabo i deeri Nyeme noanie ni. ⁹ Sanja bo Nyeme ma i tiiri kabo i koro ka i ti ni, ye wo ma sono kere bo i deeri i noanie n nya tiide bo i la ma awieeri n a. ¹⁰ Dama Nyeme yiiri i ka i yo Nyeme sayoowa donguyofa kpien, kabo Melekisideki yo ti barasu n a.

Fotu fa ko kabo ma ya fa ya yarada n ji ni

¹¹ Ma ya la deke dongu bo ya kan kere am fa ko jore bo ya joro i n su, ama, i ti kekereke kabo ya kan teke am nyi, dama am koro ti ma i bu ndende. ¹² Sanja bo am boori i bu ka am su Nyeme ni, am ace nu, ma am aju bo am sukere minem Nyeme noanie ni, ama, am toko tana koro ka bu kere am dekem bo ba du mo afa akere am, fa ko Nyeme noanie n su. Am toko nu nyufini wo, am nya koro di ma diire nonori. ¹³ Dama sono kere bo i nu nyufini toko ti baakan wo lee, i nya koro si ma deke bo i ko atin su Nyeme do. ¹⁴ Minem bo bu nyunu ati Nyeme de atin n su,

berε di diire nɔnɔori a. Ba sɔnsɔn Nyεmε nɔaniε ni, na bu su i su kabo i kere ni. Nyini ti ye bu la alecira koro si deke bo i ti kpa, ni bo i ti má kpa n a.

6

¹ Nyini ti, má am ma ya ka Kristo ciciri su nɔaniε kereewam ɲgumi su, ama, am ma ya boro ya nyi na ya kɔ mɔ. I ti má ye ni ka ya sukan nyini jɔrem ni sanɲa kerε. Nyini jɔrem ni la kaaki bu wo, fa kɔ bu satie su na bu yo Nyεmε yarada ni, ² ni kabo bu bie bu Nyεmε nzue barasu, na bu fa bu sa nana yaradayofom ɲu ka Nyεmε yo bu kisi, ni kabo mine ba wu na bu tenɲe bu yiwee nu ni, ni kabo Nyεmε ba di mine jɔre na be koro kaaki má i kun ni. ³ Nzen Nyεmε soroori su, ya koro kɔ mɔ bo i tara sɔ. ⁴ Minem bo ba yo asi ka Nyεmε atin n ti wein, na ba kaaki bu sin abo i ni, bu yo sε koro kaaki ba Nyεmε dɔ bekun a? Dama bu yo nyaari Nyεmε aceerim wɔ, na ba de Awiewie Casi ni. ⁵ Ba yo asi kabo Nyεmε nɔaniε n ti kpa barasu, ni kabo durunya n bo i suba n yiko ti. ⁶ Ama, na ba kaaki bu sin abo i, i ti kekereke bo nyini minem ɲusu koro kaaki ba i dɔ bekun, dama bu sayoowa kere ka bu sukaaki kpama Nyεmε Wa n baka jaanu n su bekun wɔ lee, na bu suwura i nyinse minem nyunu. ⁷ Asien kerε bo nzue tɔ sanɲa kerε na mine dɔ su, na i yo diire nyunyumi, Nyεmε wura nyini asien n abaraka beberebe. ⁸ Ama, asien bo buwe ni wura ɲgbeenɲgbeenm fi su na i kunma kperε, i ce má, Nyεmε yó i ɲgbeen, na i awieeri su, sin bá yara i kerε.

⁹ Ama, m ninbaam, haari ni bo ya kan so n kere ni, ya la ahoresi fa ko ambere do, dama am bita atin kpa n wo, yiri la tiide n bo am anya i ni. ¹⁰ Nyeme ti kpa, i wara fi ma sakpa n bo am yo i ni, kabo am abuka i minem, na am toko buka bu ni. Nyini kere ka am koro i a. ¹¹ Ya koro ka am kere boro am nyi haari ko ju awieeri, adena deke n bo am la i tama n yo yiiwa. ¹² Ma am ma nviya ti am, ama, minem bo bu yo yarada na bu la sawore, na bu nya deke n bo Nyeme seeri ka i fa ma bu ni, am su bu dee sayoowam su.

Deke bo Nyeme seeri ka i yo i ni, i kaaki ma

¹³ Sanga bo Nyeme seeri Abraham ka i ba yo i kisi ni, be wo ma bere bo i tara yiri Nyeme. Nyini dee ti, ye i faari i duma taanri ndie maari i a. ¹⁴ Na wo se i ka, "M yo u kisi, na u busu nufom ba sunnu beberebe." ¹⁵ Na Abraham amindi haari na wo ba anya deke n bo Nyeme seeri ka i ma i ni. ¹⁶ Nzen sono na i tan ndie, i tan deke bo i tara i mi n wo. Deke bo akuruwa nya yoori na bu taanri ndie, wo kun akuruwa n kere noo lee. ¹⁷ Nyeme yo koroori ka i kere i minem ka deke bo i ba ma bu ni, i woro ma i noo i busu, nyini ti ye i kaaki taanri ndie n a. ¹⁸ Deke bo i seeri ka i yo i ni, ni i ndie taanwa n ti deke nnyo lee, bo bu kaaki ma. Nyini kere ka Nyeme koro bu ma kore a. Nyini ti ye yere bo ya ba i do ka ya nya tiide n la ahoresi bita ya tama n bo ya la i ni anyumbo n a. ¹⁹ Tama n bo ya la i ni, i ti kabo ba kpama lee barasu n wo. Nyini ma ya ahorembaa abi kekereke, ye ya kaaki yaki ma atin n bo ya bita i n a. Nyini tama n ti bo wo sin

tani bambaka n bo i kanda n ɲu awura Soɔ Casi n nu a. Yiri bita ya a. ²⁰ Do ye Yesu adu ya mo awura, ade ya deɛ jinaabiri a. Yiri ti ya Nyeme sayoowa doɲguyofɔ kpien n bo i la má defɔ fieo, kabo Melekisideki busu nu n ti n a.

7

Nyeme sayoowa doɲguyofɔ Melekisideki n jɔre

¹ Melekisideki ni, yiri yo ti miɛ n bo bu fere i ka Salem deɛ femɛ a, na i kaaki ti Micera Kpiri sayoowa doɲguyofɔ. Saɲga bo Abraham ko kuunri lue ni nfeme nna nbem na i kunmaari bu na i sukaaki ko awuru ni, yiri Melekisideki ni kpaari Abraham atin ye i yoori kisi goori i ɲu n a. ² Na Abraham ayi dekem kere bo i kun lue n na i deeri i ni, deke buru kere nu, na wo yi i kun kun ama Melekisideki. I duma Melekisideki n bu la ka, femɛ bo i sayoowa ko atin su. I kaaki ti Salem femɛ wo, i bu la ka, femɛ bo i fa tanalaifie ba. ³ Melekisideki ni, be si má i si, wara i ni, wara i busu nufom, wara kabo bu wuuri i, wara kabo i wuuri. I yo ti Nyeme sayoowa doɲguyofɔ bo wo la má defɔ, kabo Nyeme Wa n ti n wo.

⁴ Am nie kabo i yo ti soɲɔ bambaka barasu a. Dama ya kere na Abraham yo yiiri deke n kere bo i ko kuunri lue n na i deeri i ni, deke buru kere nu, i yiiri kun kun maari yiri Melekisideki n wo. ⁵ Nyeme noanie maawa n kun bo i wo i noanie kpamaawa n nu n kere ka, deke buru kere nu, bu yi kun kun fa ma Levifom, bu ti Nyeme sayoowa doɲguyofom n deɛ ti, haari ni bo bu kere ti mine kunm na bu ti Abraham busu nufom

ni. ⁶ Mɛlɛkisiɔɔki yo fite má Levifom dɛɛ busu n nu, ama, Abraham yo yiiri deke n kɛrɛ buru nu kun kun maari i wɔ, na wɔ yo kisi agɔ Abraham ŋu, yiri Abraham ye Nyɛmɛ yo seeri ka i bá yo i kisi n a. ⁷ Sɔnɔ kɛrɛ si ka, sɔnɔ bo i yo kisi gɔ minɛm ŋu n tara bo bu de kisi ni. ⁸ Levifom bo bu ti Nyɛmɛ sayoowa dɔŋguyofom na minɛm yo yiiri bu deke kɛrɛ buru nu kun kun maari bu ni, bu ti yiweefom wɔ. Ama, Mɛlɛkisiɔɔki bo Abraham yiiri i deke kɛrɛ buru nu kun kun maari i ni, Nyɛmɛ Jɔrɛ Kadasi n kere ka i toko wo bɛrɛ wɔ lɛɛ. ⁹ Nyini ti, sanɔ bo Abraham yiiri deke n kɛrɛ nu buru kun kun maari Mɛlɛkisiɔɔki ni, ya koro se ka i wa Levi bo i ni i busu nufɔ yo deerɛ nyini n sɔ ni, bu minɛm gusu mmɔɔ atɔ lɛɛ. ¹⁰ Dama sanɔ bo Mɛlɛkisiɔɔki ni Abraham yɛeri ni, na Abraham nya wu má Levi bo i fite i busu nu ni, nyini ti, ya koro se ka Abraham deerɛ i wa Levi dɛɛ jinaabiri, ye i yi maari Mɛlɛkisiɔɔki n a.

Nyɛmɛ sayoowa dɔŋguyofɔ be bo i ti ka Mɛlɛkisiɔɔki ni

¹¹ Nyɛmɛ nɔaniɛ kpamaawa ni, i yo wo Levifom bo bu ti i sayoowa dɔŋguyofom n saa nu a. Ama, nzen má Levi busu nufom dɛɛ sayoowa dɔŋguyofom dɛɛ juma n koro yoori deke n kɛrɛ bo má i ti ye ni ka bu yo i ni, má Nyɛmɛ ayi má i sayoowa dɔŋguyofɔ bo i ti ka Mɛlɛkisiɔɔki. Má i kaaki yi i sayoowa dɔŋguyofɔ bo i fite Aaron dɛɛ Levifom busu n nu ba. ¹² I ti nahɔrɛ wɔ ka, nzen Nyɛmɛ akaaki anɔ fɔfɔrɛ fa kɔ i sayoowa dɔŋguyofom dɛɛ atin n su, wɔ yo daka ka i kaaki i nɔaniɛ kpamaawa n gusu. ¹³ Kabo bu kɛrɛeri

Mibié n ηusu jore ni, i fite anɔ barasu be nu a, nyini anɔ n nufɔ be ayo má Nyeme sayoowa dɔnguyofɔ juma be fieo. ¹⁴ Sonɔ kere si ka i fite Yuda dɛe anɔ n nu wɔ, ama, fa kɔ Yuda dɛe anɔ n nu, ya ti má ka Moyisi kereeri ka bu be ba yo Nyeme sayoowa dɔnguyofɔ.

¹⁵ Deke bo i ma ya ti jore n bu nyunyumi n tara nyini su n la ka, Nyeme ayi i sayoowa dɔnguyofɔ bo i ti ka Melekisideki ama ya. ¹⁶ Má i nam busu dɛe ti ye i la atin ka i yo Nyeme sayoowa dɔnguyofɔ a, se i la ηɔɔ bo i la má awieeri n dɛe ti, ye i la atin a. ¹⁷ Dama ba kere i Nyeme Jore Kadasi n nu ka,

“Wɔɔ ti Nyeme sayoowa dɔnguyofɔ bo a la má defɔ fieo,
kabo Melekisideki busu n nu ti n a.”

¹⁸⁻¹⁹ Nyeme nɔanie maawa dawa n la má kperɛ ni fanɔa, dama wɔ ma má deke n ati má kabo má Nyeme koro ka i ti n a. Nyini dɛe ti, ye Nyeme ace i ase, ye wɔ ma ya tama n bo i tara nyini n a. Nyini tama n dɛe ti, ye ya koro cin dodo Nyeme n a.

²⁰ Nyini sin, na Nyeme atan ndie. Ama, sanɔa bo Nyeme yo yiiri Levifom n ka bu yo i sayoowa dɔnguyofom ni, wɔ yo atan má ndie. ²¹ Sanɔa bo Nyeme yiiri Yesu ka i yo Nyeme sayoowa dɔnguyofɔ ni, i taanri ndie wɔ, ka,

“Mini Micera Nyeme n atan ndie,
m wɔɔ má m nɔɔ,

wɔɔ ti Nyeme sayoowa dɔnguyofɔ bo a la má defɔ fieo a.”

²² Nyeme taanri nyini ndie n dee ti, nyini ma ya si ka Yesu jina sesesu fofore n sin ka i ti kpa tara dawa n a.

²³ Deke bo i ma i kaaki wo i ngumi n la ka, Levifom dee Nyeme sayoowa donguyofom yo wu wo, na bu nbem de bu jinaabiri, nyini dee ti ye bu yo sunnu n a. ²⁴ Ama, Yesu yiri, i ti Nyeme sayoowa donguyofo bo i wo bere sangha kere n dee ti, be wo ma bere bo i koro de i jinaabiri na i yo yoowa. ²⁵ Nyini dee ti ye i koro de minem tii ji fieo n a, bere bo i ma bu cin dodo Nyeme ni, dama yiri wo bere sangha kere de bu nyemesere, fa ko Nyeme do a.

²⁶ Nyini ti, Yesu ti Nyeme sayoowa donguyofo kpien bo i koro yo deke n kere bo wo yo daka ka i yo ma ya nahore su a, yiri ti bo i ti casi na i la ma ngasi be a, i la ma satie be, i woowa wo bere i ngumi ni satieyofom, ye Nyeme awura i kpiri atara sono kere bo i wo angoro n a. ²⁷ Kabo Nyeme sayoowa donguyofo nkpien nyingam yo ti ni, yiri ti ma so. Bere do, ale kere bo i cin, bu du mo yo yoowa ma bu nu fa ko satie bo ba yo i wo ka, na bu nya ba yo ma minem satie bo ba yo i. Ama, yiri yiri, yoowa kpekun n kpein ye i yoori i a, yiri la bo i faari i nu yoori i ni. ²⁸ Kabo Nyeme noanie kpamaawa n kere ni, haari ni bo minem bo bu yiiri bu ka bu yo Nyeme sayoowa donguyofo nkpienm n akoro ayo ma deke n kere bo ma wo yo daka ka bu yo i ni, bu yiiri bu wo. Ama, nyini noanie kpamaawa n dee sin, na Nyeme afa i tienngu duma atan ndie, na wo yi i Wa n ka i yo i sayoowa donguyofo kpien. Yiri ti bo Nyeme ma i tiiri kabo i koro ka i ti sangha

kere n a.

8

Yesu ti ya Nyeme sayoowa dɔnguyofɔ kpien n a

¹ Deke n bo m koro ka m se n kere la ka, ya la ahin Nyeme sayoowa dɔnguyofɔ kpien n bo i tana aɱgoro, Mícera Kpiri n saa fɔmbɔɔ su. ² I yo i Nyeme sayoowa dɔnguyofɔ kpien juma n dika n nu wɔ, bo i ti Nyeme sereebiri nahɔre su, Nyeme ni i tii taari nyini dika n a, má adamande taari i a. ³ Nyeme sayoowa dɔnguyofɔ kpien kere bo Nyeme yo yiiri i, i deɛ la ka, i de minem aceerim, ni bu yoowam na i fa ma Nyeme. Nyini deɛ ti ye wɔ yo daka ka ahin Nyeme sayoowa dɔnguyofɔ kpien n gusu la yoowa be bo i yo ma Nyeme n a. ⁴ Nzen má Yesu wo durunya n nu, má i yo má Nyeme sayoowa dɔnguyofɔ fieo, dama minem bo Nyeme adu mɔ ayi bu ka bu yo sayoowa n wo bere wɔ, kabo Nyeme nɔaniɛ kpamaawa n kere lɛɛ. ⁵ Juma n bo Nyeme sayoowa dɔnguyofɔm yo i ni, i ti kabo i wo aɱgoro n wɔ, ama, i ti má kun. Moyisi deɛ n gusu yo ti sɔ ɔ, nyini ti ye saɱga bo i ɱa i bo Nyeme Sereebiri Nambue n ye Nyeme seeri i ka, “Si nu, na a yo deke n kere kabo m kereeri u buka n su ka a yo i ni.” ⁶ Ama, kisa, Yesu deɛ Nyeme sayoowa dɔnguyofɔ juma n tara nyingam deɛ ni. Sɔ ye sesesu fɔfɔre n bo Yesu afa aba na i yo Nyeme ni minem afien dɔngu n tara dawa deɛ n a. Dama sesesu fɔfɔre n deɛ ti, ye Nyeme ɱa i fa deke n bo i ti kpa na i la má aɱusu n fa ma ya n a.

⁷ Nzen má sɛsɛsu n bo Nyemɛ du mɔ diiri i di n koro yoori deke n kerɛ bo wɔ yo daka ka i yo ni, má i kaaki fa má sɛsɛsu fɔfɔre na i di i di kun.

⁸ Ama, na Nyemɛ aɲu i minem ni ngasi, na wɔ se bu ka,

“Micɛra n ɲa o,

sanga suba bo m fá sɛsɛsu fɔfɔre

na m dí i di ni Yisarelifom ni Yudafom.

⁹ I ti má ka dawa dɛɛ sɛsɛsu ni,

bo m yo faari i na m diiri i di ni am nam ni,

sanga bo m yiiri bu fiteeri Ijipiti asien n su ni.

Ba yo abita má i kabo m yo seeri bu ni,

nyini dɛɛ ti, ye m cɛɛ awo má bu nu n a.

Kabo Micɛra n seeri lɛɛ.

¹⁰ Sɛsɛsu n bo m bá di i di ni Yisarelifom la ka,

fa kɔ fa ba,

m fá m nɔaniɛ n wura bu sunsunni nu,

na bu bíta i bu ahore su,

mini yó bu Nyemɛ a,

na bu yó m minem.

Kabo Nyemɛ seeri lɛɛ.

¹¹ Be wo má bɛrɛ bo i bá kere i lamɔko

ka i si Micɛra ni.

Dama sɔno kerɛ bá si m,

fa i tarakam kɔ tu i nfaɲgafom kerɛ.

¹² M sí bu aɲunfo, na m fá bu satie bo ba yo i n

fa ce bu,

na m tɛɲge má i su fieo.”

¹³ Deke bo i ti na Nyemɛ yo kaanri sɛsɛsu fɔfɔre

be jɔre ni, i bu la ka, ciciri su dɛɛ n ayo dawa.

Deke kerɛ bo i nya yoori dawa wieeri, i cɛ má, i

busu míni wɔ.

9

Ciciri su sesesu n ni sesesu fɔfɔre n deɛ nyemɛsu jɔre

¹ Kabo i ti n la ka, ciciri su deɛ sesesu n bo Nyemɛ diiri i di ni, yo la atin kereewa kereewam bo bu fa su Nyemɛ, na i kaaki la dika bo ba ta i ase durunya n nu fen na bu wo nu su Nyemɛ.

² Bu yo boori nambue be wɔ, na ba fa sanvuin ati i nu nnyɔ. Anɔ nu deɛ sɔɔ ni, fitana takaabiri, ni teebiri, ni kpɔnɔ bo bu fa ma Nyemɛ n wo dɔ, bu fere bere n ka Sɔɔ Casi. ³ Mɔ deɛ sɔɔ ni, bu fere i ka Casi Kere Casi Sɔɔ. ⁴ Mikun yoowa yoobiri n bo ba mata i sika n wo dɔ, nyini yoo-biri n su ye bu kunkun tulaaleɛ nvanvani fa ma Nyemɛ a. Alaka n bo ba mata i sika n gusu wo dɔ, nyini alaka n kere kabo Nyemɛ faari sesesu diiri i di n a. Deke bo bu wo alaka n nu n la sika torose n bo ba fa diire n bo bu fere i ka *mana* n awura nu ni, ni Aaron kpama n bo i fiefieeri nyawa ni, ni yabue peperepe nnyom bo Nyemɛ akere i nɔanie maawa burum n ago su ni. ⁵ Na ba yo deke nnyɔ nbem bo bu la lanɔpete ase alaka n tii su, nyini dekem ni kere kabo Nyemɛ wo i minem dɔ barasu a, bu fere bu ka *Cerubim*, ba fa bu lanɔpetem akata dika n bo Nyemɛ si i minem anɔnfo n su. Kisa, ya koro kere ma deke n kere kun kun kabo bu ti barasu.

⁶ Kabo i ti ni, bu nya sese nyini nengem kere su wieeri, nyini sanga, Nyemɛ sayoowa donɔgu-yofom suwura sɔɔ n bo i wo anɔ nu n wɔ, na bu suyo bu Nyemɛ juma sanga kere. ⁷ Ama, Nyemɛ sayoowa donɔguyofɔ kpien ni ngumi koro wura sɔɔ n bo i wo mɔ n nu a. Afo kere afo, i wura

dɔ kpekun wɔ, nzen i ɲa i wura dɔ gusu, i bita nenɲendɔrem mbunja a, na i du mɔ yo yoowa ma i ɲu ka, na i nya yo ma minem dɛɛ satie bo ba yo i na bu si má ni. ⁸ Deke bo i ti na Awiewie Casi n fa nyini atin n sɔ ni, na i kere ya ka, sanɲa bo bu yo boori nyini nambue na bu sɛsɛ deke n kere su ni, Nyeme nya teke má atin na minem kere koro wura Casi Kere Casi Sɔɔ n nu. ⁹ Nyini n kere bo bu yo yoori i ni, i la bu ma ya kisa. I bu la ka, aceerim ni nenɲem kere bo bu yo fa yoori yoowa suuri Nyeme ni, ba koro ama má bu sunsunni ati má kabo má i ti ye ni ka i ti ni. ¹⁰ Dama nyini yoowa atin n kere diire diiwam, ni deke nuuwam, ni bu yoowam kabo bu ɲmisi bu ɲu na bu yo bu ɲu casi ɲgumi wɔ. Nyini n kere la i sanɲa nyaari wɔ, yiri la bo bu suyo i sɔ ɔ, haari kɔ ju sanɲa bo Nyeme bá yo deke n kere dɔɲgu.

¹¹ Ama, kisa, Kristo aba, yiri ti Nyeme sayoowa dɔɲguyofɔ kpien n a, yiri bita atin kpa n bo bu yo seeri ka i fa ba n a. Nyeme Sereebiri Nambue n bo wɔ wura nu, na i suyo i Nyeme sayoowa dɔɲguyofɔ kpien juma ni, nyini nambue n la má aɲusu durunya n nu fen, i ti kabo Nyeme koro ka i ti n wɔ, dama i ti má deke bo adamande taari i ni bu saa a, wara dekem bo Nyeme yiiri bu durunya n nu fen n be wɔ. ¹² Má naanim ni sirim dɛɛ mbunja ye i fa wuraari nambue n nu a, ama, i faari i tienɲu mbunja a, na wɔ fa awura Casi Kere Casi Sɔɔ n nu kpekun n kpein, na wɔ fa ayo yoowa ama ya, adena ya koro nya tiide n bo i la má awieeri ni. ¹³ Minem bo fin yo wo bu ɲu, na bu koro cin dodo má Nyeme ni, bu fa sirim

ni tooram mbunja ye bu fa yoyokoti go bu nu a, na bu yara nambaa, na bu fa nzuin n go bu nu. Nyini sangha, ba kpakpara bu fin ayo bu casi lee. ¹⁴ Nzen nyini yoowam bo bu yo bu n ma mine yo casi, nyini yiri, Kristo dee mbunja ni koro yo bo i tara so o. Awiewie Casi ni, yiri bo i wo bere sangha kere n dee yiko n nu ma Kristo koro faari i nu yoori yoowa bo i la ma gela be maari Nyeme n a. I dee mbunja ni koro kpakpara yi satiem bo bu ma ya ka ngbeen ya ahore su, ni ya sunsunni nu n a, nyini ma ya koro su Nyeme bo i wo bere sangha kere n a.

¹⁵ Kristo yoori so n dee ti, yiri ti afien dɔnguyofon bo wo fa sesesu fofore n aba, adena minem kere bo Nyeme afere bu n nya deke n bo i diiri i di ka i ma bu ni. Nyini deke n la aja n bo bu di i na i la ma awieeri ni. Yiwee n bo Kristo wuuri ni, nyini de minem tii ji fa ko bu satie ti, na ba do Nyeme ngasi, ni ciciri su sesesu dee atin n su. ¹⁶ Sesesu fofore n bo Nyeme diiri i di ni, i ti kabo sono toko la ngoo na i kere kabo bu ba kpaaki i aja nu barasu n wo, ma ka wo wu ka, ye bu koro di i aja n a. ¹⁷ Sangha bo i toko la ngoo ni, be koro di ma i aja ni, ma ka wo wu ka. ¹⁸ Nyini dee ti, ye haari kana ciciri su sesesu n bo Nyeme diiri i di n ba yo juma, ma ka ba yi nengendore mbunja. ¹⁹ Nyini sangha, Moyisi du mo kaanri Nyeme noanie maawam n kere kereeri minem n wo, kabo bu wo Nyeme noanie kpamaawa n nu n ka, na i nya fa tooram ni sirim mbunja na i sangha nzue nu, na i fa nyawa ni boe ndore kokore bo ba wu i tani, na i fa bo nu, na i fa yokoti go Nyeme noanie kpamaawa kadasi n su

ka, na i nya yokoti go minem kere nu, ²⁰ na i nya se bu ka, "Ahin mbunja ni ti deke bo i kere seseesu n bo Nyeme adi i di ase am ka am bita i noanie n a." ²¹ So ye Moyisi yo fa mbunja n yokoti go nambue n su a, ni nenge n kere bo bu bita yo juma ma Nyeme n gusu. ²² Nahore, kabo Nyeme noanie kpamaawa n kere ni, i ti ka deke kere bo bu na bu yo i casi, ma ka ba fa mbunja ayokoti su ka. Nyeme fa ma bu ngasi ce ma bu, ma ka ba yi deke mbunja.

Kabo Yesu faari i nu yoori yoowa na i deeri mine dangu fiteeri bu satie nu ni

²³ Nyini dee ti, Nyeme Sereebiri Nambue ni, ni dekem n kere bo bu wo nu ni na bu ferema ni angoro deem ni, wo yo daka ka bu fa nengendore mbunja yo bu casi. Ama, nengem n bo bu wo angoro n yiri, wo yo daka ka bu fa deke bo i mbunja tara nengendorem dee fa yo bu casi a. ²⁴ Kristo awura ma dika casi n bo i ferema ni angoro dee n nu a, bo minem taari i ni, ama, i wuraari angoro dee n ni i tii nu a, ye kisa, wo de ya jinaabiri Nyeme do. ²⁵ Afo kere afo Nyeme sayoowa danguyofom kpien ni yo wura Casi Kere Casi So n nu wo, na i fa nengendore mbunja n yo yoowa. Ama, Kristo yiri awura ma angoro dee dika n nu ka i sufa i nu yo yoowa sanja kere sanja. ²⁶ Nzen ma i na i sufa i nu yo yoowa sanja kere sanja, ma i sudi wahara a sanja kere, fite kabo Nyeme yiiri durunya n ba ju ni nyuma. Ama, kabo i ti n la ka, ahin sanja n bo deke n kere aba awieeri su ni, na wo ba kpekun n kpein, afa i nu ayo yoowa, adena

Nyeme fa adamande satie ce i. ²⁷ Nyeme akpama i ka adamande kere wu kpekun wo, nyini sin, na Nyeme di i jore. ²⁸ Kabo Kristo gusu yoori le. Kpekun n kpein ye i faari i nu yoori yoowa, adena i de mine dongu satie bo ba yo i ni. Nyini sin, i kaaki ba bekun. Ma mine satie bo ba yo i n de ti ye i ba, ama, i ba de minem bo bu nie i atin nu n ti ji wo.

10

Kabo Yesu yoori yoowa kpekun n kpein ni

¹ Nyeme noanie kpamaawa ni, i ferema ni deke kpa n bo Nyeme na i fa ba n wo, ama, ma yiri le. Nyini ti, yoowa n bo bu yo bu sanja kere akoro ama ma bere bo bu cin dodo Nyeme ni, ati ma kabo ma i koro ka bu ti ni. ² Nzen ma nyini yoowam n kere koro yiiri minem n bo bu su Nyeme n fiteeri bu satiem nu, ma bu sunsunni ma ma bu cen be ka ba yo satie, ma bu yaki nyini yoowam wo. ³ Ama, kabo i ti n la ka, nyini yoowa n bo bu yo i afo kere afo n tenge bu su fa ko bu satiem bo ba yo bu n su wo. ⁴ Dama tooram ni sirim mbunja koro yi ma satie bo i wo adamande ahore su ni, cen be.

⁵ Nyini de ti, sanja bo Yesu koro ka i ba durunya n nu fen ni, na wo se Nyeme ka,
 "A koro ma ka mine fa acerim
 ni nengendorem n yo yoowa ma u,
 ama, adamande nuniembaa ye a fa ama m
 ka m fa yo yoowa n a.

⁶ U nyunu ayi ma yoowam
 bo bu yo bu na bu kpie nengendorem kom,
 na bu yara bu sayoowa yoobiri n su ni,

ni yoowam n bo bu yo satie na bu yo bu ni.”

⁷ Na wɔ kaaki ase Nyeme ka,

“Mini yaa, ma ba ka m ba yo u koroowa n wɔ,
kabo ba kere m nusu jɔre u noanie kpamaa-
wa n dɛɛ kadasi n nu ni.”

⁸ I du mɔ seeri Nyeme ka, “A koro má ka mine fa aceerim ni nengendɔrem n fa yo yoowa ma u, u nyunu ayi má yoowam bo bu yo na bu kpie nengendɔrem kɔm, na bu yara bu sayoowa yoo-biri n su ni, ni yoowam n bo bu yo satie na bu yo bu ni.” I seeri sɔ ɔ, haari ni bo Nyeme noanie kpamaawa n kere sɔ ni. ⁹ Na wɔ se Nyeme ka, “Mini yaa, ma ba ka m ba yo u koroowa n wɔ.” Nyini la ka, Nyeme akun ciciri su dɛɛ yoowam kere nɔɔ lɛɛ, ye wɔ fa fɔfɔre aba. ¹⁰ Nyeme koroowa n lɛɛ ye i yoori n a. Kpekun n kpein ye i faari i ŋu yoori yoowa. Nyini ti ye wɔ kpakpara ya kere fin ayo ya casi n a.

¹¹ Yudafoɔm Nyeme sayoowa dɔnguyofɔ kere yo i Nyeme juma cɛɛn n kere wɔ, na i suyo nyini yoowa kun n sanɔa kere. Haari ni nyini yoowam n kere, bu be koro yi má minem satie bo i wo bu sunsunni nu ni. ¹² Ama, Yesu yiri yoori yoowa kpekun n kpein wɔ, bo i yo juma sanɔa kere, fa kɔ mine satie bo bu yo i su. Na wɔ nya akɔ atana aɔgoro Nyeme saa fɔmbɔrɔ su. ¹³ Fite nyini sanɔa ni, i ŋminda kabo Nyeme ba ma i kunma i kpɔfɔm na i nana bu kere ŋu. ¹⁴ Nyini yoowa kun n dɛɛ ti, wɔ kpakpara minem fin kere na wɔ ma ba ti kabo Nyeme koro ka bu ti ni, sanɔa kere.

¹⁵ Awiewie Casi n gusu kaanri i sɔ kereeri ya. Wɔ du mɔ ase ka,

16 “Micera na, sɛsɛsu n bo m ni bɛrɛ adi i di
fa kɔ sanɔa bo i suba n la ka,
m fá m nɔaniɛ kpamaawa n wura bu sunsunni
nu,
na m kéré i gɔ bu ahore su.”

17 Na wɔ kaaki ase ka,
“M tɛngɛ má bu satiem bo ba yo bu n su,
kabo bu keteeri na ba su má m nɔaniɛ
kpamaawa n su kun.”

18 Tɔ, Nyɛmɛ afa satie bo minem ayo i ace bu,
nyini la ka, yoowa be wo má bɛrɛ bo be yo i fa
kɔ satie su kun.

Am ma ya cin dodo Nyɛmɛ

19 M ninbaam, Yesu dɛɛ mbunja n ti ye ya la
ahoresi kɛrɛ ka ya koro cin dodo Nyɛmɛ a, na
ya koro wura Casi Kɛrɛ Casi Sɔɔ n nu a. 20 Yesu
ateke atin fɔfɔrɛ bo i ma nɔɔ nahɔrɛ su ama
ya. Kabo i faari i nɔ yoori yoowa ni, i ti ka wɔ
teke atin ama ya na ya koro sin tani bambaka
n bo bu fa kanda n nɔ, na ya wura Casi Kɛrɛ
Casi Sɔɔ n nu. 21 Tɔ, kisa na ya la Nyɛmɛ sayoo-
wa dɔnguyofɔ bambaka bo i niɛ yɛrɛ n bo ya ti
Nyɛmɛ minem n su ni. 22 Nyini dɛɛ ti, am ma ya
cin dodo Nyɛmɛ ni ya ahorembaa kun, na má ya
yo sika be. Yesu mbunja n akpakpara ayi satie
kɛrɛ bo i wo ya ahore su a, na má ya sunsunni
nu suma ya sanɔa kɛrɛ ka ya yo satie. Nyɛmɛ
nzue n gusu bo ba fa abie ya ni ama ya nɔniɛ
ayo casi a. 23 Tama n bo ya na ya la i ni, am ma
ya bita i ni ya saa nnyɔ, má am ma ya fa sika
wura nu, dama ya si ka Nyɛmɛ yo deke n bo wɔ
fa sɛsɛsu adi i di ka i yo i ni. 24 Am ma ya sutu
ya bɛngum fɔ, na ya buka ya bɛngu, na koro

wo ya afien na ya yo sakpa. ²⁵ Kabo i ti ye ni ka ya sutien ya nɔɔ na ya su Nyeme sanɔa kere ni, ma am ma ya yaki i kabo nbem suyo barasu ni, ama, am ma ya sutu ya beɲu fo na bu nya ahoresi buka su, dama ya kere ɲu ka Micera n deɛ ceen n adodo lee.

²⁶ To, kisa na ya si kereewa n bo i ti nahore ni, na nzen ya toko kete i yo satie ni, yoowa be wo ma bere bo ya yo i na Nyeme fa ya satie ce ya kun, ²⁷ ma ka ya nminda ni sere fa ko ceen n bo i suba na Nyeme ba di minem jore, na i fa bo ba kete i noanie n wura sin n bo i ti kekere agaya n nu, na bu ka ngbeen ni. ²⁸ Nyeme noanie kpamaawa n bo i yo fa maari Moyisi ni, nzen sono be keteeri na i yoori satie, na mine nnyo wara nsan diiri daani ka i ti so, nkpienkpienm si ma i mi anunfo, bu kun i wo. ²⁹ Ye nzen i nya ti so, sono kere bo i buuri Nyeme Wa ni ngbeen na i sunsun ka Yesu mbunja n bo i yo ya casi n ti ngbeen, na i jɔɔ wura Awiewie Casi n bo i si ya anunfo ni ngasi nu, suicin barasu bono ye am sunsun ka Nyeme fa cin i a? ³⁰ Dama ya si ka Micera n ase ka, "Mini cin bu sui a. Mini to bu kaari a," na wo kaaki ase ka, "Mini di m minem jore a." ³¹ Woro kere bo a to Nyeme saa nu, yiri bo i wo bere sanɔa kere ni, i la sere agaya.

³² Am tenge su, na am nie sanɔa bo am du mo nyaari anyunuteke fa ko labari kpa n su ni, haari ni bo am yo diiri wahara agaya ni, am afa ahoresi ade nyini kekereke n kere. ³³ Sanɔa be bu yo kpie am nzuko, na bu kere am wuwuruwa jama nu. Na sanɔa be gusu na am asanɔa adi wahara ni am beɲum bo bu kere bu wuwuruwa ni.

³⁴ I ti nahore wo ka, am asi dansarakam anunfo. Bekun, haari nzen mine fiinri am nengem kere bo am la i ni, am ahore ti jowa a, dama am si ka am la deke bo i tara nyinim bo ba de am do ni, nyini deke n yiri wo bere wo sangha kere.

³⁵ Nyini dee ti, ma am ma am nuni yoroki am, dama ahoresi n bo am la i ni, nyini ma am nya aceeri bambaka Nyeme do a. ³⁶ Kisa, wo yo daka ka am la mindi, adena am yo Nyeme koroowa, na am nya deke n bo Nyeme afa sesusu adi i di ka i ma am ni. ³⁷ Dama ba kere i Nyeme jore Kadasi n nu ka,

“Wo ka kaan, i ce ma,
yiri n bo i suba ni, i ba.

³⁸ M sono bo i yo sa bo i ko atin su m do,
i nya ngoo, i yarada n dee ti,
ama, sono kere bo i kaakiiri i sin boori m,
m ahore jo ma i mi nu.”

³⁹ Yere yiri, ya ti ma minem bo bu kaaki bu sin, na bu ka ngbeen ni, ama, ya ti minem bo ya yo Nyeme yarada na ya nya tiide wo.

11

Yaradayo jore

¹ Nzen ya yo Nyeme yarada, ya la ahoresi ka deke n bo ya yo i tama ni, ya nya i, na ya kaaki la ahoresi ka deke n bo ya nyumbaa nu ma i n wo bere nahore su. ² Dawafom yoori Nyeme yarada n dee ti, ye i se ka i nyunu ayi bu sayoowa n a.

³ Ya yo Nyeme yarada n dee ti, ye ya koro fa si ka Nyeme yo jooori noanie wo, ye i fa yiiri durunya n a. Nyini ma ya si ka, dekem bo ya

nyumbaa koro ŋu bu ni, Nyeme afa deke bo ya koro ŋu má i ayi bu n a.

⁴ Abeli yo yoori Nyeme yarada n dɛɛ ti, ye i koro yoori yoowa bo i ti kpa tara i goro Keen dɛɛ n bo i yo maari Nyeme n a. I yarada n dɛɛ ti, ye Nyeme nyunu yiiri i aceeri n ye i seeri ka i ti soro bo i yo sa bo i ko atin su i do n a. Abeli ti soro bo wo wu wo, ama, haari ni kisa, i yarada sayoowa toko yo juma ya do.

⁵ Henoki yo yoori Nyeme yarada n dɛɛ ti, wo wu má, na Nyeme afa i ako i bi angoro, nyini ti ye be anu má i n a, dama Nyeme afa i ako i bi. Ba kere i Nyeme Jore Kadasi n nu ka, sangga bo Nyeme nya fa má i ko má i bi angoro ni, Nyeme nyunu yiiri i sayoowa a. ⁶ Nzen soro ayo má Nyeme yarada, i mi koro yo má sa bo i yi Nyeme nyi, dama soro kere bo i ba Nyeme do, wo yo daka ka i mi yo yarada ka Nyeme wo bere, na i to mine n bo bu nienie i busu ni ŋkato nahore su.

⁷ Nowa yo yoori Nyeme yarada n dɛɛ ti, ye i yo deerri kabo Nyeme bobori i fa ko sam bo bu ba yo n su n a. I deerri Nyeme noanie n kpaari lee bambaka n ye i ni i dikafom wuraari nu ye ba wu má n a. I yoori so n dɛɛ ti, nyini kere ka minem bo bu kaari durunya n nu n ti satieyofom a, ama, Nowa yiri, i yarada n dɛɛ ti, Nyeme ade i ka i yo sa bo i ko atin su i do o.

⁸ Abraham yo yoori Nyeme yarada n dɛɛ ti, sangga bo Nyeme fereeri i, na i seeri i ka i ko asien be bo i seeri ka i fa ma i n su ni, haari ni bo i si má deke bo i sukoni, yarada n dɛɛ ti, ye i yo deerri Nyeme noanie n ye i fiteeri i nam asien su

kɔori nyini asien n su a. ⁹ Yarada n dɛɛ ti, ye i kɔ juuri asien n bo Nyemɛ ase ka i fá ma i n su n a, dɔ ye i tanaari ka i ti wɔfɔ n a. I ni i wa Izaki, ni i anuma Jakɔbu yo boori nambue woori dɔ sanɔa be su wɔ. Haari ni bo bere yo ti minem bo bu nyaari deke n bo Nyemɛ ase ka i fá ma bu n a. ¹⁰ Abraham boroori i nyi nienieri miɛ kpiri n bo Nyemɛ ni i tii ata i na i la má awieeri n a.

¹¹ Abraham yi Saara mmɔɔ yo yoori Nyemɛ yarada n dɛɛ ti, haari ni bo wɔ yo buke na i ti nɔrɔka ni, yarada n dɛɛ ti, ye i koro wuuri baa n a. I yo yarada ka Nyemɛ yó deke n bo i seeri ka i yó i ni. ¹² Haari ni bo má Abraham ti ka sɔnɔ bo wɔ wu ni, yiri nyini sɔnɔ kun n ye i busu nufom asunnu ka asarambaam bo bu wo angoro n a, ni kabo kunma nmiɛ sunnu na i la má nɔ n a.

¹³ Nyini minem kere yoori Nyemɛ yarada a, haari bu ba wuuri. Ba nya má deke n bo Nyemɛ seeri ka i yó ma bu, bu nɔɔ su ni. Ama, yarada dɛɛ n ti, bu njuuri deke n ka i wo dede wɔ, na ba de i ni ahorejɔ, na ba soro su ase ka bu ti wɔfom wɔ, wara nanatiirifom wɔ, durunya n nu fen. ¹⁴ Nyini minem kere bo bu seeri sɔ ni, i kere ka, bu boro bu nyi nienie bu tienɔgu asien busu wɔ. ¹⁵ Nzen má bu faari bu ahorembaa seeri asien n bo ba yo ayaki i n su ni anyumbo, má bu koro nya atin bo bu kaaki kɔ nyini asien n su bekun. ¹⁶ Ama, bu yo koroori asien be bo i tara bo bu yo yakiiri i n wɔ, yiri la Nyemɛ dɛɛ woobiri n bo i wo angoro ni, nyini dɛɛ ti, ye i ti má nyinse Nyemɛ dɔ ka bu fereeri i ka bu Nyemɛ n a, dama yiri ye wɔ sese miɛ kpiri be su ase bu a.

¹⁷ Abraham yo yoori Nyeme yarada n dee ti, ye i yo faari i wa Izaki ka i fa yo yoowa, sanɔa bo Nyeme yo koroori ka i yo i na i nie n a. Yiri bo Nyeme yo seeri i ka i yo sakpa ma i ni, i soroori su wo, ka i fa i wa kun n kpein n yo yoowa ma Nyeme, ¹⁸ haari ni bo Nyeme yo seeri i ka, "Izaki dee ti, ye a nya busu nufom a." ¹⁹ Abraham siiri ka Nyeme koro tenge Izaki fite yiwee nu. Nahore, i yarada n dee ti, na Nyeme atenge Izaki yiwee nu, dama Abraham do, Izaki ti ka sono bo wo wu ye wo tenge a.

²⁰ Izaki yoori Nyeme yarada n dee ti, ye i yo seeri i nbaa nnyom ni Jakobu ni Esawu ka, fa ko fa ba, Nyeme yo bu kisi n a. ²¹ Jakobu yoori Nyeme yarada n dee ti, sanɔa bo i ba sudodo ka i wu ni, na wo sere Nyeme ayo Yosefu nbaam nnyo ni kisi, na wo mie i kpama su ayasu asu Nyeme.

²² Yosefu yoori Nyeme yarada n dee ti, sanɔa bo i ba suwu ni, ye i jooori ka, Yisarelifom ba fite Ijipiti asien n su n a, na wo kere kabo bu yo i fuin n barasu.

²³ Moyisi si, ni i ni yo yoori Nyeme yarada n dee ti, bu wuuri i ni, ba soro ma noanie n bo Ijipitifom feme n fa maari ni, na ba fa i afie sara nsan, dama bu nuuri ka i yo nyumi agaya. ²⁴ Moyisi yo yoori Nyeme yarada n dee ti, ye sanɔa bo i ba biiri bieso, i keteeri ka ma bu fere i ka feme wa baabara n dee wa n a. ²⁵ I koroori kabo i ni Nyeme minem sanɔa di wahara n tara bo i di fiefie n bo i ce ma na i do Nyeme ngasi ni. ²⁶ Yiri do, nzen bu kpieri i nzuko kabo bu kpie Kristo Tiidefo n ni, nyini la kpere tara deke kere bo ma i nya i Ijipiti asien n su ni, dama i nyunu

yo boroori aceeri n bo i bá nya i Nyeme do ni su a. ²⁷ I yoori Nyeme yarada n dæe ti, ye i fiteeri Ijipiti asien n su n a, haari ni bo feme n faari yaa i nu ni, wo soro má sere. I ti ka i nie nuuri Nyeme wo, yiri bo be koro nu má i ni, nyini dæe ti ye i koro mindi jinaari ni nahore su n a. ²⁸ I yoori Nyeme yarada n dæe ti, ye i yo kpamaari Butara cæenkpiri n a, na wo kaaki ase Yisarelifom ka, bu kun nbombaam, na bu fa mbunja boroki bu soo anom su, adena Nyeme mereke n bo i kun n ba baari, na má i kun Yisarelifom nbaabieso nkpienm n a.

²⁹ Yisarelifom yo yoori Nyeme yarada n dæe ti, ye sanja bo bu na bu kpie kunma kpiri n bo bu fere i ka Kunma Kokore ni, ye i tiiri nu nnyo na atin ada afien, na ba nati asien wuruuwa su asin n a. Ama, sanja bo Ijipitifom koroori ka bu kpie ni, nzue n diiri bu kere wo.

³⁰ Yisarelifom yo yoori Nyeme yarada n dæe ti, sanja bo bu bara yeeri Yeriko mie kpiri n lesa ni, na kobe n bo ba ta abara aye mie n kere ato.

³¹ Bara sakara n bo bu fere i ka Rahabu yo yoori Nyeme yarada n dæe ti, sanja bo Yisarelifom kuunri i minem bo bu keteeri na ba de má Nyeme noanie n ni, ba kun má i, dama yiri yo deeru Yisarelifom koresiyifom wofa faari bu fiere a.

³² To kisa, m si má kabo m se kun, m la má sanja bo m kan fa ko Gedeyon, ni Balaki, ni Samson, ni Yefeta, ni Feme Davidi, ni Samuweli, ni Nyeme noanie kanfom n jore n su. ³³ Bu yoori Nyeme yarada n dæe ti, bu nbem kunmaari bu kprof nfanfafom lue nu wo, na nbem ayo sa bo bu ko atin su, na nbem anya deke n bo Nyeme

seeri ka i yó ma bu ni, na nbem gusu akata jaram nɔɔ bo ba koro ayo má pui. ³⁴ Na ba fa nbem awura sin bambaka nu ka bu yara bu, ama, na sin n anɔ, wɔ koro ayo má bu pui. Na ba koro ka bu kpɛ nbem takobe ka bu kun bu, ama, na ba fite nu. Haari ni bo nbem ti daburukafom ni, bu nyaari fanɔa, na ba tu lue ni asien nbem su sojam, na ba kunma bu. ³⁵ Nbara nbem yo yoori Nyeme yarada n de ti, na Nyeme atenge bu lamokom bo ba wu n yiwee nu ama bu. Ama, na ba kere nbem wahara akun bu. Ba saaki má bu nɔɔ na bu yaki bu nu ji, dama bu si ka bu bá tenge bu yiwee nu, na bu nya ngɔɔ bo i la má anusu. ³⁶ Na ba yo bu nbem anzasi afin bu ngbere, na ba cici bu nbem jorokɔ, na ba fa bu awura dansaraka nu. ³⁷ Na ba tu nbem yabue abo akun bu, na ba kpɛ ati nbem nu nnyɔ, na ba fa takobe akun bu, na yaari ati nbem na bu sufa nbɔem ni sirim numa sufa yo bu suturam kata bu nu, na minem akere bu wahara ayo bu ngbeenngbeen kere. ³⁸ Bu ti mine kpam bo bu woowa tara durunya n nufom woowa, bu wo má woobiri kun, bu nati yerengi boro kpantain n nu wɔ, ni bukam su, na bu suwura yabue buem, ni asienɔ kunma n nu suda.

³⁹ Nyeme nyunu yo yiiri nyini minem kere sa-
yoowa, bu yarada n de ti, ama, ba nya má deke n
bo Nyeme seeri ka i yó ma bu ni. ⁴⁰ Dama Nyeme
koro ka i ma yere deke kpa nahore su, kana deke
n bo i koro ka i yo n yo yiiwa, má ka ya ni bere
abo kun na i ma ya kere ti kabo i koro ka ya ti
ni.

12

Kabo Nyeme cin i nbaam sui barasu ni

¹ Nyini minem bo bu yo yoori Nyeme yarada n sunnu, ba bara aye ya, na bu nie kabo ya su Nyeme atin n su. Nyini ti, am ma yere gusu yaki deke kere bo i kanda ya na ya koro su ma Nyeme ni, na ya yaki satie n bo ya koro i agaya ni, na am ma ya fa anyumboro na ya su atin n bo i ti ye ni ka ya su i n su. ² Am ma ya sunie Yesu. Yiri ti ya mofa a, na i ma ya yo Nyeme yarada kabo wo yo daka ka ya yo ni. I yo diiri wahara baka jaanu n su, na ba wura i nyinse, ama, haari ni nyini n kere, i cece awo ma nu, dama i nie juuri fiefie n bo i ba di i ni, nyini ti, ye kisa, i tana Nyeme saa fomboro su i femeya n nu n a.

³ Am nie kabo i yo diiri wahara satieyofom saa nu, na ba koro ma i jore, na i laari mindi barasu a. Am su i su, adena ma am junie yoroki am. ⁴ Kabo satieyofom kere am wuwuruwa na am mindi ni, am nya mindi ju ma juubiri bo bu yi am ngoo. ⁵ Kabo am ti Nyeme nbaam na wo tu am fo asi am ahore ni, ma am ma am wara afi nyini ni, bo i na,

“M wa, nzen Nyeme tu u fo, ma a kete,
nzen i cin u sui gusu a, ma a ma u junie yoroki u.

⁶ Dama minem bo i koro bu n ye i tu bu fo a,
na minem kere bo wo fa bu ayo i nbaam ye i cin bu sui a.”

⁷ Wahara n bo am sudi i ni, am mindi na am fa i ka am si sucin am sui a. Nyini sukere am ka am ti i nbaam wo lee, dama baa be wo ma bere bo i si

cin má i sui. ⁸ Nzen Nyeme acin má am sui kabo i cin bo bu ti i nbaam kere sui ni, nyini la ka, am ti má i nbaam nahore su, am ti ka soma nbaam wo lee. ⁹ Ya sim bo bu wuuri ya ni, bu ba yo, bu cin ya sui wo, na ya ma bu jirima. Nzen i nya ti so yiri, wo yo daka ya de ya Si Nyeme nɔaniɛ tara bu dee, adena ya nya ngoo. ¹⁰ Saŋga bo ya yo ti nbaatumam ni, ya sim yo cin ya sui saŋga kaan wo, kabo i ti ye ni ka bu yo ni, ama, Nyeme yiri cin ya sui, i yo i ni kpa dee ti wo, i koro ka ya nya i dee woowa n be wo. ¹¹ Saŋga kere bo bu cin ya sui ni, i ti ka ya ahore ti saakiiwa a, i yo má ya fie, ama, nyini n kere sin, minem kere bo Nyeme cin bu sui na bu si ka ba yo sa bo i ko má atin su, bu nya ahoreda na bu wo wo kpa.

¹² Nyini ti, má am ma am njunie yoroki am, ama, am ma am kpekperere yo kenken. ¹³ Am susu Nyeme atin n su, na am nya faŋga, adena má am gbaraki buka su.

Fotu kabo wo yo daka ka má ya kete Nyeme nɔaniɛ n ni

¹⁴ Am kere boro am nyi na am tana laifie ni sono kere, na am wo wo bo i ti casi, dama woro kere bo a ti má casi, a nu má Nyeme. ¹⁵ Am si am nu sa, na má be fun Nyeme ahoroma ni. Am kaaki si am nu sa, na má be fa sunsunni tie be ba saaki mine dongu na bu kaaki bu sin bo Nyeme. ¹⁶ Am si am nu sa, na má be sukpini nbaram, na má be gusu yo i nu ngbeen na i cee wo má Nyeme su nu, ka Esawu, bo diire dee ti na i toori i tienngu baawu kpien jinaabiri maari i niema ni. ¹⁷ I toori i baawu kpien jinaabiri n dee sin, saŋga

bo i seeri i si ka, i yo nyini kisi go i nu ni, na i si akete, haari ni bo i sun ni nyunvuin ni, wo koro akaaki ma deke n bo wo yo i n kun.

¹⁸ Juubiri n bo am aba aju ni, i ti ma deke bo am koro nu i, i ti ma ka buka n bo Yisarelifom yo ko juuri su na bu fere i ka Sinayi ni. Bu ko juuri su ni, na ba nu ka i suje sin fofoe, na awosin awura dika n nu, na wo kata liim, na anuma akpisi dika ni. ¹⁹ Na ba ti awie nga ka i fita ni fanga su, na ba ti akonvi nga ka i sujoko fanga su. Bu tiiri akonvi ni nga so ni, na bu seeri ni anyumboro ka bu koro ma ka bu ti nyini jokowa n kun. ²⁰ Dama ba koro ade ma noanie n bo Nyeme fa maari bu ni, i na, haari nzen nengendore be faari i nu kaanri buka ni, bu tu i yabue bo kun i. ²¹ Dekem bo bu nuuri bu buka n su n laari sere agaya n dee ti, na Moyisi mmoo ase ka, "Sere ati m agaya, na m nunie subobo m."

²² Ama, deke bo am aba aju ni, am aba aju buka n bo bu fere i ka Siyon ni su a, ni Nyeme bo i wo bere sanga kere n dee mie kpiri ni, yiri la mie kpiri n bo bu fere i ka Yerusalem na i wo angoro ni, do ye Nyeme mereke akpiim atien bu noo ni ahorejo n a. ²³ Am aba jama n bo bu ti ka Nyeme nbaakpienm, na ba kere bu duma Nyeme dika n nu ni do a. Am aba Nyeme do, yiri bo i di sono kere jore ni. Am aba dawafom woobiri ni, bere bo bu yoori sa bo i ko atin su Nyeme do na wo ma ba ti kabo i koro ka bu ti n wo. ²⁴ Am aba Yesu do o, yiri ti afien donguyofa a, yiri ye wo fa sesesu fofore n aba. I mbunja n bo wo fite ago ni, ayo ya casi a, i la kpere tara Abeli dee.

²⁵ Am si am ηu sa, Nyeme sujɔɔ am dɔ, má am kete i, dama sanɔa bo i yo jɔjɔri Yisarelifom dɔ durunya n nu fen na bu keteeri ni, wɔ yaki má bu. Nyini ti, nzen i wo angoro sujɔɔ ya dɔ, na ya keteeri, ya yo se koro fite nu a? ²⁶ Nyini sanɔa, i konvi ηgumi mmɔɔ ma asien kpisi wɔ. Ama, kisa, wɔ se ka, “M kpisi asien n ni angoro n kere kpekun buka su.” ²⁷ Kabo i seeri ka i kpisi i kpekun buka su n kere ka, deke n kere bo wɔ yi bu ni, i bá kpisi yi bu, adena dekem bo be koro kpisi má bu n bá ka. ²⁸ Nyini ti, kabo Nyeme ama ya atin ka ya ni yiri sanɔa di i femeya n bo be koro kpisi má i ni, am ma ya da i asi. Am ma ya kaaki da i asi, na ya bu i, na ya soro i ahore, na ya su i, kabo wɔ yo daka ka ya su i ni. ²⁹ Dama Nyeme bo ya su i n ti ka sin bo i di deke kere bo i ti má kpa n wɔ.

13

Kabo ya yo na i sun Nyeme nu ni

¹ Tɔ, kabo Kristo deɛ ti na am ayo ka nibaa kun ni, am sukoro am benɔu. ² Am tenɔe su na am sude wɔfom. Nbem yo yoori sɔɔ haari na ba de merɛkem wɔfɔ, ama, ba si má ka bu ti merɛkem. ³ Má am ma am wara fi minem bo bu wo dansaraka nu n sa, am fa i ka am ni bere ye ba sanɔa anyi am a. Na má am ma am wara fi minem bo bu sudi wahara n gusu sa, am fa i ka ambere sudi wahara n a.

⁴ Am ma jirima wo am ajaam nu, na biesɔ n ni bara n kere bita bu ηu, na má be yo ηgbɛɛnηgbɛɛn, dama Nyeme bá di minem kere jɔre bo bu kpini nbaram, ni bo bu kɔ somaya

ngbɛɛnngbɛɛn n kɛɛ. ⁵ Má am ma am nyunu boro ɲwaa koro su agaya, ama, am ma am nyunu yi deke n bo am la i ni, dama Nyeme ase ka, “M yáki má am ɲgbɛɛn, m káaki fa má am ji má.”

⁶ Nyini ti, am ma ya fa ahoresi, na ya se ka,

“Micera ni ti m bukafɔ,
m soro má sɛɛ.

Adamande koro yo m nzu wɔ?”

⁷ Am niɛ am mɔfɔm bo bu kan Nyeme jɔɛ n kereeri am ni. Am niɛ kabo bu woori wo kpa barasu, na am sɔn bu yarada bo bu yoori i n su.

⁸ Yesu Kristo kaaki má, kabo i yo ti ni, i toko ti sɔ ɔ, na i ti sɔ ɔ saɲga kɛɛ. ⁹ Má am su kereewa fɔfɔɛ barasu nbem su, na bu ma am mini atin kpa ni. I ti ye ni ka ya de Nyeme dɛɛ ahoɔɔma

n bo i ma ya ahoresi ni, na má ya de atin bo bu ciirem kere fa kɔ diire diiwam su, bo bu su nyini ciirem su ni, i buka má bu. ¹⁰ Sa bo Yesu ayo ama ya n dɛɛ ti, ya fa i ka ya la Nyeme sayoo-wa yoobiri n dɛɛ diire bo Yudafɔm Nyeme sayoo-wa dɔɲguyɔfɔm bo bu yo juma Nyeme Sereebiri Nambue n nu n la má atin na bu di be. ¹¹ Afɔ kɛɛ afɔ, Nyeme sayoowa dɔɲguyɔfɔ kpien n fa nɛɲɛndɔɛɛm mbunja a, na i fa wura Casi Kɛɛ

Casi Sɔɔ n nu. Na i fa yo yoowa ma Nyeme, fa kɔ minem satie bo ba yo i n su, na i ma bu nya fa niɛ n kɛɛ fite miɛ n ahɛmɛ, na bu yara i sin.

¹² Nyini dɛɛ ti, ye Yesu gusu wuuri miɛ n ahɛmɛ n a, adena i koro fa i mbunja n yo minem casi.

¹³ Sa n bo wɔ yo ama ya n dɛɛ ti, am ma ya kɔ i dɔ miɛ n ahɛmɛ, na ya su i atin su, na ya ni yiri kɛɛ saɲga di nyinɛ n bo i diiri n be. ¹⁴ Dama durunya n nu fɛn, ya la má miɛ be bo ya suwo

nu san̄ga kere, ama, ya boro ya nyi sunienie mie kpiri n bo i bá ba n wo. ¹⁵ Nyini ti, buka n bo Yesu ayo ama ya n dee ti, am ma ya fa kansi fa ma Nyeme san̄ga kere. Ya saraka yoowa n bo ya fa ma Nyeme n la ka, ya teke ya noo, na ya kan kere minem ka Yesu ti Mibie n a. ¹⁶ Má am yaki kpayo, am buka am bengum san̄ga kere, dama nyini saraka yoowam so, ye Nyeme koro a.

¹⁷ Am de am mofom noanie, na am su atin n bo bu fa kere am su, dama bere sukpie daafiri am busu n dee ti, ye Nyeme bá bisa bu kabo bu yoori bu juma n barasu n a. Nzen am deeri bu noanie, bu yó bu juma ni ahoreda a, ama, nzen am ade má bu noanie, nyini ma bu yo bu juma ni ahoresaaki a, na nyini so gusu buka má am.

¹⁸ Am susere Nyeme ma ya san̄ga kere. Yere do, i ti nahore wo ka ya yo sa bo i ko atin su wo, na ya sunsunni nu ma ya ka ya yo sa bo i ko atin su wo san̄ga kere. ¹⁹ M sere am wo, am boro am nyi sere Nyeme ma m, na i buka m, adena i ce má, na m kaaki ba am do bekun.

Awieeri su dee nyemesere ni

²⁰ Nyeme ahoredafo n atenge ya Mibie Yesu Kristo i yiwee n nu. Nyeme faari Yesu mbunja n faari sesesu diiri i di n ti ye Yesu yoori ya sasafó kpiri n a. Nyini sesesu n la má awieeri. ²¹ Nyini ti, m sereeri Nyeme ka i ma am deke kpa n kere bo i ti ye ni ka am nya i, na am yo i sa koroowa, na i kaaki ya wo, na ya yo mine n bo i ahore jo ya nu. Yesu Kristo dee ti, ye i yo nyini n kere a. Yiri ti ye ni ka ya kansi i san̄ga kere san̄ga. Ami.

²² M ninbaam, m sere am wo, am yo sawore, na am so am sui, na am de ahin jore n bo i wo ahin kadasi n nu, na m sufa tu am fo ni. Dama jore n bo m sukere ma am n sunnu ma. ²³ M koro ka am si ka, ya niwa Timoti wo ma dansaraka nu kun, ba yaki i, nzen i ba tuuri m nde, na m ba suba, m ni yiri kere ba nie am busu.

²⁴ Am bisa am mofom kere ni Nyeme minem kere dogu ma ya. Ya ninbaa yaradayofom bo bu wo Itali asien n su n kere bisa am dogu.

²⁵ Nyeme buka am kere.

Nyeme Jore Kadasi
The New Testament in Anufo (Chokosi)

copyright © 2009 Wycliffe Bible Translators, Inc.

Language: Anufo

Contributor: Wycliffe Bible Translators, Inc.

All rights reserved.

2020-11-13

PDF generated using Haiola and XeLaTeX on 21 Feb 2024 from source
files dated 29 Jan 2022

fe36d0e6-2a60-5e15-8d1c-8bf275389598